

ଯୋହନଙ୍କ ତୃତୀୟ ପତ୍ର ଜହନ ରାଢ଼ାମାନି ତୀନି ଲମ୍ବର ଆକୁ ମୂକୁ ହାଡ଼ା

ଜହନତି ତୀନି ଲମ୍ବର ଆକୁ ଜୀସୁ କ୍ରୀସୁ ଜାର୍ନାଆଡ଼ି ୫୦ ଟିଏ ୧୦୦ ବାର୍ଯା ତାମ୍ବୁ ପାଣ୍ଡୁଝିଆହାମାନି ଜହନ ତାଣାଟି ରାସ୍ତକି ଆହାମାନେ □ ଜହନ ଜାହାରାଲ୍ ଆକୁ ରାଡ଼ିତାସି ଇଞ୍ଜିଁ ଖେହ୍‌ଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି ୧:୧; ୨ଜହ ୧:୧ □ ଇମ୍ବାଆଁ ପୁଞ୍ଜାଲି ଆହିମାନେ ଏଝାସି ଏପିସିୟ ଗାଡ଼ାତା ମାଟିବେଲାତା ଜହନ ରାଡ଼ିତି ନେହ୍ଁ କାରୁତଲେ ତୀନିଗଟା ଆକୁ ଜିକେଏ ରାଡ଼ାମାତେସି ଇ ନାମ୍, ଇଚିହ୍ଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତୀନି ଲମ୍ବର ଜହନ □ ଜହନ ଗାୟସ ଦରୁ ଇନି ର ନାମ୍‌ଗାଟି ତାୟିକି ଇ ଆକୁ ରାଡ଼ାମାନେସି □

ଏଝାସି ଗାୟସଲ୍ ର ତଟେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଲ୍ ଜୀଝୁ ନହାଲି ହୁକୁମି ହାହିମାନେସି □

ପତିତା ମାନାୟି

- ୧ ଜହନ ଜାହାରାଲ୍ ଖେସାକତିନାୟି □ ୧:୧
- ୨ ଗାୟସଲ୍ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଲ୍ ଆବାନା ଜୀଝୁ ନହାଲି ଖେହ୍‌ନାୟି □ ୧:୨-୮
- ୩ ତାୟିୟାପିସ୍ ଅଡ଼େ ତିମିଟିଅସ୍ କାତା ଖେହ୍‌ନାୟି □ ୧:୯-୧୨
- ୪ ଆକୁତି ରାପ୍‌ନାୟି □ ୧:୧୩-୧୪

୧ ✨ନାନ୍, କୁଲମିତି ପ୍ରାଚିନା ଜହନତେଏଁ, ନାନ୍ ସାତା ତଲେ ଜୀଝୁ ନହ୍ଁ ମାନି ନା ଜୀଝୁତି ଗାୟସଲ୍ ଜହରା ପାଣ୍ଡାନା ଇ ଆକୁ ରାଡ଼ିମାଲ୍ □

୨ ଏ ନା ଜୀଝୁତି ତଟେ ନୀନ୍ ଜୀଝୁତା ଏନିକ୍ ନେହ୍ଁ ଆହ୍ଁ ମାଞ୍ଜି ଏଲେକିହ୍ଁ ନୀନ୍ ବାରେ ଝାକିଟି ନୀ ନେହ୍ଁ ଆପେ

✨ ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

ଅତେ ନୀ ଆଜ୍ଞା ଜିକେଏ ନେହଁ ମାଣ୍ଡେ ଇଞ୍ଜଁ ନାନୁ ପ୍ରାଡ଼ାନା କିହିମାଈଁ ।

୩ ନାନୁ ବାରେଦିନା ସାତା ତଲେ ଡ଼ୟିମାଞ୍ଜି, ଏଲେକିହଁଏ ଏଚରଜାଣା ନାମିତି ତାୟିୟାଁ ଖାହାନା, ନାନୁ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାରେକା ରାହଁ ଆଡେତଏଁ ।

୪ ନା ମାନ୍ତକା ମାୟକା ସାତା ଅତେ ସାତା ତଲେ ନୀତାମାନାଣି ଖେଞ୍ଜାନା, ଏଚେକା ରାହଁ ଆହିମାଈଁ, ଏଦାଣିକିହଁ ଆଗାଡ଼ା ନାଞେ ଅତେ ଏନି ରାହଁ ହିଲେଏ ।

ଗାୟସ କିତି କାମାତାକି ଜହରା

୫ ଏ ନା ଜୀଞ୍ଜୁତି ତରେ ନାନୁ ଜୀଞ୍ଜୁନା ତାୟିୟାଁ ତାକି ଅତେ ଏଚକା ଦେସାତି ଜୀଞ୍ଜୁନା ତାୟିୟାଁ ତାକି ନାନୁ ଅତେ ଚିକାଣା ତଲେ ସେବା କାମା କିହିମାଞ୍ଜି ।

୬ ଏଞ୍ଜାରି ଇମ୍ପାଆଁ ମା କୁଲମିତା ନୀ ଜୀଞ୍ଜୁ ନତି କାତା ଖେସିମାନେରି; ନାନୁ ଏଞ୍ଜାରାଈଁ ମାହାପୁରୁତି ରାହଁ ଆନିଲେହେଁ ତାମି ଜିରୁ ତାକି ଲତାମାନାଣି ହୀହାନା ସାୟେମି କିମ୍ପୁ ।

୭ ଏନାଆଁତାକି ଇତିହଁ ଏଞ୍ଜାରି ନାମାଆଗାଗାରି ତାଣାଟି ଏନାଆଁ ରାହଁଆନା ଜୀଞ୍ଜୁତି ସେବା କାମାତାକି ହତାମାନେରି ।

୮ ଏଦାଆଁତାକି ମାର ଏନିକଁ ଏଞ୍ଜାରାଈଁ ସାୟେମି କିହାନା ସାତାତି ତସାଲି ଏଞ୍ଜାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ତପା ଅତେ ଦିମତ୍ତିୟ

୯ ନାନୁ କୁଲମିତାକି ର ଇଚାଣି ଆକୁ ରାଚିତେଏଁ, ସାମା ଦିୟତ୍ତପା କୁଲମିତି କାକାସି ଆହାଲି ଅଣପାନା, ନା କାତା ଖେଞ୍ଜାହିଲଅସି ।

୧୦ ନାନୁ ଖାଡ଼ିସାରେ ଏଞ୍ଜାସି କିହାମାନି ବାରେ ଲାଗେଏତି କାମା ଖେହୁଈଁ, ଏଞ୍ଜାସି ଏନିକଁ ମା କପାଟି ଲାଗେଏତି କାତା ଖେସାନା ମାଞେ ନିନ୍ଦାକିହଁ ମିତି କାତା ଖେସିମାନେସି, ଖାରଇ ଏଚେକେଏ ଆଏ, ସାମା ଜୀଞ୍ଜୁନା ତାୟିୟାଁ ଖାଡ଼ିହଁ ଅପିହିଲଅସି କି ଆମ୍ବାଆରାଈଁ ଅପାଲି ହୀହି ହିଲଅସି, ଅତେ ଆମ୍ବାଆରି ଆବିନାରି ଏଞ୍ଜାରାଈଁ କୁଲମିତି ହପହାଲି ଅଣପିମାନେସି ।

୧୧ ଏ ନା ଜୀବୁତି ତଃଶତି, ନୀନୁ ଲାଗେଏ ପଢେଏତାଣି
 ଆହୁଆନା, ସାମା ନେହୁଁ କାମାତି ଆହୁମୁ, ଆମ୍ବାଆସି ନେହୁଁ
 କାମା କିନେସି ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି;
 ଆମ୍ବାଆସି ଲାଗେଏ ପଢେଏ କାମା କିନେସି ଏଞ୍ଜାସି ମାହାପୁରୁଇଁ
 ପୁଞ୍ଜାହିଲଅସି □

୧୨ ବାରେଜାଣା ଦିମିତ୍ରିୟଇଁ ନେହୁଁସି ଇନେରି, ଏଞ୍ଜାସି କିହାମାନି
 ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମ୍ବୁଜିକେଏ
 ଏଦାଆଁ ସାକି ହାହିମାନମି, ଇଞ୍ଜା ମାମ୍ବୁ ଚୁଞ୍ଜହନି କାତା ସାତା ଇଞ୍ଜୁଁ
 ନୀନୁ ପୁଞ୍ଜାମାଞ୍ଜି □

ଜହରା ତଲେ ଆକୁ ରାପ୍ନାୟି

୧୩ ନୀନୁ ନିଞ୍ଜେ ହାରେକା କାତା ଶ୍ରେସ୍ତାନାୟିମାନେ ସାମା ଏଦାଆଁ
 ଆକୁତା ସୀରା କାଡିତଲେ ରାଚାଲି ଅଶ୍ପି ହିଲଅଁ □

୧୪ ମାର ମୁମ୍ବୁ ଚୁମସ୍ପି ଆହାନା ଜଲୁକି ଆୟାଲି ଆଡିନାୟି ଇଞ୍ଜୁଁ
 ଆସା କିହିମାଇଁ □

୧୫ ମିଞ୍ଜେତାକି ହିଡଡି ଆୟାପେ, ତଃଶସିଙ୍ଗା ମିଞ୍ଜେତାକି ଜହରା
 ପାଣ୍ଡିମାଞ୍ଜାନେରି, ବାରେଜାଣାତି ଦରୁ ଆସାନା ଜହରା ଶ୍ରେହ୍ମୁ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20